

«Sagardo ederra da, erraz edatekoa»

JOSE ANTONIO ZAMALLOA • Uxarte sagardotegiko arduraduna

Txotx garaiari begira itxaropentsu daude Uxarte sagardotegian. Sagar ugari eta ona bildu dute, eta sagardo ederra ekoitzi dute.

Zornotzan dago Uxarte sagardotegia (www.uxarte.com), izen bereko base-riari. 200 urte baino gehiago ditu base-riak, eta nekazaritza jarduerari lotuta egon da beti. Sagardotegia 1996an zabaldu zuten.

**Ona da txotx garaiari dastatu ahal izango den sagardoa, 2017ko uz-
tako?**

Orain arte ikusitakoaren arabera, usain interesgarriak ateratzen dira. Agian goiz samar da, sagardoak oraindik ez daukalako gorputz askorik, baina, nire ustez, erraz edatekoa eta ederra da sagardoa. Dena den, sagardoa bizi-rik dagoenez, ikusiko da denboraldian zer bilakaera izaten duen, baina uste dut sagardoa oso egoera onean dagoela hasiko dela txotx garaiari.

Upategian lehenengo hartzidurak amaitzen ari direla, sagardo dezentea, itxura onekoa ikusten dut. Orain, hori bai, upel bakoitza mundu bat denez, sagardo guztiek beharbada ez dute bilakaera berdina edukiko, baina, oro har, sagardo ona da. Muztioaren kopuru handia lortu da, eta horrek esan nahi du agian arin samarra izango dela sagardoa, fina; agian tanino apur bat faltako du, baina usainean eta ahoan oreka onak antzeman daitezke.

Edateko samurra izango da?

Bai, ona. Ez du edukiko karga fenoliko handia. Orokorrean hitz eginda, ezin baitaitezke denak berdinak izan, baina ezaugarriak horiek izango direla uste dut.

**Sagar uzta handia izan da, eta sa-
gar ona bildu da.**

Sagar urtea izan da, kopuru aldetik ugaria, sagar asko batu dugu, eta urte oso ona izan da. Sagar asko eta ona, sano-sanoa eta ustelik ez. Osasun aldetik ona izan da sagarra. Bere garaiari batuz gero, sanoa egoten da,

baina, berandu batuz gero, beste gauza bat da. Pozik gaude, eta uste dut orokorra izan dela. Bizkaian eta Bizkaitik aparte ere fenomeno orokorra izan dela uste dut.

Nolako espero duzu txotx garaiari? Jende asko ibiliko da?

Gipuzkoan, Hernanin eta Astigarragan izaten den txotx garaiarekin alderatuta, ez da berdina. Bizkaian urtero-urtero jende askok deskubritzen du sagardotegia eta sagardoa existitzen dela. Nik nahiko positibo ikusten dut alde hori, azken batean beti gehituz goazeko, eta jendeak, ingurukoek fenomeno positibotzat hartzen dute sagardotegia. Modu positiboan eta itxaropentsu ikusten dut denboraldi hau.

Nire ustez, normaltasun guztiarekin funtziona daiteke, txotx garaiari aparte ere bai. Denboraldia hiruzpau hilabetera mugatzea ez du logikoa ikusten, hiru edo lau hilabete bakarrik egitea. Urtean


zehir ere sagardotegiez disfrutatu ahal da, sagardoaz eta menuaz. Nik nire esperientziaz diot hori egiteko benetako aukerak daudela, urte guztiko egitasmo bat, nahiz eta erritmo berdinean ez egin. Guk horrela lan egiten dugu.

Bizkaian gero eta jende gehiago joaten da sagardotegietara? Ohitura gero eta handiagoa da?

Bai. Baina nik ez dut ikusten ohitura moduan bakarrik lotzea sagardotegia parrandarekin, sagardotegira kuadrillan autobusez joatea parranda egitera. Negozioaren parte bat da hori, baina niretzat ez da interesgarria, eta ez dut uste onuragarria denik. Nire ustez, urte guztian egiteko beste ohitura errealak,

interesgarriak dira sagardotegira joateko beste era batzuk: sagardoa benetan dastatzera joatea, benetan ikustea zer sagardo dagoen upeletan, eta menua dastatzera joatea familiarekin, bikotekidearekin edo banaka.

Bizkaian azken aukera horiek erreallak dira. Sagardotegia turismoarekin lotzea ere oso erreala da. Jendeak sagardotegia benetan ikustea eskertzen dugu, bisita gidatu batean, sagardotegi batean zer egiten den eta zer ez den egiten azaltzea... Horrelako gauzak garrantzitsuak dira.





Jose Antonio Zamalloa,
Uxarte sagardotegiko
upel batetik sagardoa
zerbitzatzen.

MARISOL RAMIREZ / ARGAZKI PRESS

Bizkaiko
sagardoaren
alde egin,
anima zaitez

Bizkaian, bizkaiko sagardoa

Bernaloa
Laka-Erdi Sagardoa
Juan Amalobieta Arriola
Tel.: 94 613 91 78

Gatika
Etxebarria Sagardoa
Ibiar Etxebarria
Tel.: 94 674 20 10

Gatika
Malgarrazaga Sagardoa
Maribel Abajo
Tel.: 661 296 915

Gizaburuzaga
Laneko Koop
Leartibal Sagardoa
Tel.: 94 684 20 26

Lezama
Erdikoetxe Sagardoa
Andoni Ojanguren Zorroza
Tel.: 94 457 32 85

Markina-Xemein
Axpe Sagardoa
José Antonio Bilbao
Tel.: 94 616 82 85

Zornatza
Uxarte Sagardoa
José Antonio Zamalloa
Tel.: 94 630 88 15

Zornatza
Eberriego Sagardoa
Unai Bilbao
Tel.: 607 601 925



**bizkaiko
sagardogileak**

